



Gion Lechmann, il rector da la scola chantunala grischuna, en l'intern dal bajetg sanà e renovà. FOTO F. ANDRY



# Concludì l'emprima etappa

Scola chantunala sanada e modernisada

■ (anr/fa) Suenters trais onns temp da construcziun han ins pudì inaugurar la scola chantunala Halde a Cuira. Represchentants dal chantun, dals architects e da la scola han dà in sguard retrospectiv sin las lavurs prestadas. Da l'onn 1973 ha pudì vegnir inaugurada a Cuira la scola chantunala Halde construida tenor ils plans da l'architect Max Kasper. Gia quella giada era vegnì criticada che las hallas ed ils pietrens sajan sombers. Durant ils onns han ins constatà che la construcziun ed ils materials chaschunavan difficultats: La fatschada d'atschal fascheva ruina, en plirs lieus penetrava aua en il stabiliment e l'isolaziun manglusa procurava per gronds custs da stgaurar. Ultra da quai avevan ins constatà ch'ils materials da construcziun utilisads tar la scola chantunala cuntenevan il tissi PCB. Perquai era daventà necessari da sanar l'entir stabiliment. Suenters ch'il cussegl grond aveva concedì l'onn 2006 in credit da 50 milliuns francs han ins cumenzà cun las lavurs da sanaziun da la scola chantunala. Motiv per ils participads a la construcziun per dar in sguard retrospectiv.

**«Stui resguardar tut ils differents basegns»**

Gion Lechmann, il rector da la scola chantunala, ha menziunà ch'ins badia plaschair: «Tant las 1300 scolaras e sco-

lars sco era ils 180 professionals d'instrucziun e collavurators giandan a lavar ed emperder en il bajetg sanà cun l'infrastructura supermoderna.» I saja gartegià als architects dal biro Jüngling&Hagmann da stgaffir insatge nov mantegnind la structura da basa, ha ditg Hans-Peter Märchy, il manader da l'Uffizi per la furmaziun media-superiura. Cusseglia guvernativ Stefan Engler ha menziunà ch'ins haja cuntanschì cun la sanaziun mo l'emprim crap da miglia: «Sco proxim vegn realisada la sanaziun da l'antier seminar da scolasts en il cuntegn Plessur e dacurt ha decis la regenza dad organisar ina concurrenza da projects per la mensa e la mediateca.» Gia londervi èn ins tenor el cun la construcziun dad ina colliaziun tranter Plessur e Halde. El ha menziunà las relaziuns geologicas difficilas en quel lieu.

**Lavur interruta causa in grip distatgà**

Las lavurs da sanaziun e renovaziun èn stadas tenor l'architect chantunal Markus Dünner ina gronda sfida: «En quests quatter onns han ins transmida la scola cun ina vegliadetgna da 40 onns en ina scola che correspunda als basegns d'ozendi», ha ditg. «e quai senza interromper l'instrucziun a la scola chantunala, respectond ils termins e senza surpassar ils custs previs.» Dünner ha er infurmà ch'in grip haja sa distatgà ier avantmezdi e dannagià la via

St. Luzi, la quala ha stuì vegnir serrada. Ch'ins haja surprindì dal 2007 in pazient ferm amalà che saja uss saun e frestg, ha ditg Albert Knaus, il director dal biro Cuira da l'interpresa generala Implemia SA. L'architect Andreas Hagmann ha declarà ch'els hajan plaschair da l'intern da la scola cun sia parita generusa, clera, «ed era da las fatschadas a l'extern che midan color durant il di, tut tenor l'illuminiaziun». 90 pertschient da las lavurs da construcziun èn vegnidas realisadas da firmas grischunas.

**Dis da las portas avertas**

Suenters l'act uffizial d'inauguraziun gjevgia s'avran oz e sonda las portas da la scola chantunala grischuna. Durant quels dus dis survegnan ils interessads in'invista en la scola sanada, cun sia infrastructura fitg moderna. I dat numerusas exposiziuns, i vegnan purschidas visitas guidadas cun demonstraziuns da tut il nov. La scola chantunala Halde è averta venderdi, ils 29 october da las 14.00 a las 19.00 e sonda, ils 30 october da las 9.00 a las 13.00.



In grond auditorium ha assistì a la festa uffiziala d'inauguraziun. FOTOS TH. GSTÖHL



L'opulent buffet ha gi gronda calamita tar giasts e scolars.



Producziuns d'in chor da scolars da la Scola chantunala.



Producziuns da la Musica dils cadets.